



Broj: 03/1-50-14-7-12- 5/15
Sarajevo, 8.12.2015.

PREDMET: Informacija o posjeti članova Zajedničke komisije za odbranu i sigurnost BiH Glavnom sjedištu Direkcije za koordinaciju policijskih tijela BiH, 20.10.2015.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su 20.10.2015. Glavno sjedište Direkcije za koordinaciju policijskih tijela BiH (DKPTBiH) koja je u sastavu Ministarstva sigurnosti BiH.

U delegaciji ZK bili su: Bariša Čolak i Hazim Rančić, članovi ZK, Ljiljana Milićević, sekretarka, i Željko Grubešić, stručni savjetnik.

Sastanku s članovima ZK u Glavnom sjedištu DKPTBiH prisustvovali su: Mirsad Vilić, direktor, i Mile Jurić, zamjenik direktora sa saradnicima.

Radna posjeta Glavnom sjedištu DKPTBiH obavljena je u skladu s Godišnjim planom rada za 2015. te u sklopu pripreme Pete sigurnosne konferencije koja je, u organizaciji Zajedničke komisije za odbranu i sigurnost BiH, održana 4. i 5. novembra 2015. godine.

Mirsad Vilić, direktor, i Mile Jurić, zamjenik direktora DKPTBiH, informirali su članove Zajedničke komisije o aktuelnom stanju u Direkciji.

U svojim izlaganjima istakli su aktuelno stanje u ovoj Direkciji, ocjenu koordinacije u radu policijskih tijela BiH i saradnju s policijskim agencijama i institucijama iz sektora sigurnosti.

Vilić i Jurić osvrnuli su se i na aktivnosti ove Direkcije, kao i na koordinaciju u radu policijskih agencija u proteklom periodu. Između ostalog, istaknuta su iskustva koja je ova policijska agencija imala tokom protesta u februaru 2014. godine, kao i prilikom osiguranja posjete Svetog oca našoj zemlji, te događaja tokom komemoracije u Srebrenici u julu 2015. godine.

Razmijenjena su mišljenja o postojećim zakonskim rješenjima i nadležnostima u sektoru sigurnosti u Bosni i Hercegovini, te potrebi njihove dosljednije primjene.

Također, ovaj sastanak bio je i prilika da predstavnici dvije institucije razgovaraju i o pripremama za učešće čelnika Direkcije za koordinaciju policijskih tijela BiH na Petoj sigurnosnoj konferenciji, koja je, u organizaciji Zajedničke komisije za odbranu i sigurnost BiH, održana u Vitezu, 3. i 4. novembra 2015. godine

Član Zajedničke komisije

Bariša Čolak

Dostavljeno:

- naslovu
- a/a